

## Արձանագրություն հ.5

(նիստը գումարվել է 2021թ. սեպտեմբերի 6-ին)

Նիստին մասնակցում են կոլեգիալ կառավարման մարմնի՝ խորհրդի 9-ը անդամներից 8-ը՝ 6-ը անկա, 2-ը՝ առցանց, բացակա՝ 1-ը:

Օրակարգում՝

1. «Երևանի Լ. Ազգալոյանի անվան հ.200 հիմնական դպրոց» ՊՈԱԿ-ի տնօրենի պաշտոնի տեղի համար մրցույթ հայտարարելու մասին (զեկուցող՝ Կ.Դավթյան):

Լսեցին -1. Լ. Ազգալոյանի անվան հ. 200 հիմնական դպրոցի կոլեգիալ կառավարման մարմնի՝ խորհրդի նախագահ Կ. Դավթյանը հաղորդեց, որ համաձայն «Պետական հանրակրթական ուսումնական հաստատության տնօրենի ընտրության (նշանակման) կարգ» -ի 2-րդ, 3-րդ, 4-րդ կետերի դրույթների և 27.08.21թ. 1380-Ն որոշման՝ հայտարարվելու է մրցույթ:

Հաստատության կոլեգիալ կառավարման մարմինը՝ խորհուրդը, տվյալ հաստատության տնօրենի պաշտոնավարման ժամկետը լրանալու օրվանից հաշված, առավելագույնը 70 աշխատանքային օր առաջ, բայց ոչ պակաս, քան 66 աշխատանքային օր առաջ, ընդունում է տնօրենի պաշտոնի թափուր տեղի համար մրցույթ հայտարարելու մասին որոշում:

Հիմք ընդունելով «Պետական հանրակրթական ուսումնական հաստատության տնօրենի ընտրության (նշանակման) կարգ»-ը հաստատելու մասին ՀՀ կառավարության 04.03.2010թ. -ի թիվ 319-Ն և 27.08.2021 թ. -ի թիվ 1380-Ն որոշումների սահմանված դրույթները՝ հաստատության կառավարման խորհուրդը

### ՈՐՈՇՈՒՄ Է՝

1. «Երևանի Լ. Ազգալոյանի հ. 200 հիմնական դպրոց» ՊՈԱԿ-ի տնօրենի պաշտոնի թափուր տեղի համար հայտարարել մրցույթ:
2. Խորհրդի նախագահը հաստատության տնօրենի պաշտոնի թափուր տեղի մրցույթ հայտարարելու մասին խորհրդի որոշման պատճենը և մրցույթն անցկացնելու մասին հայտարարությունը՝ համաձայն ձևի, որոշում կայացնելու օրվանից հետո առավելագույնը 3 աշխատանքային օրվա ընթացքում գրավոր ներկայացնի կրթության պետական կառավարման լիազորված մարմին:
3. Մրցույթ անցկացնելու մասին հայտարարությունը հրապարակել [www.azdarar.am](http://www.azdarar.am) կայքում՝ և Երևանի քաղաքապետարանի պաշտոնական կայքում:
4. Մրցույթն անցկացնել Լ.Ազգալոյանի անվ. հ.200 հիմնական դպրոցի շենքում 2021թ-ի հոկտեմբերի 13-ին, ժամը՝ 12:00:
5. Խորհուրդը տնօրենի պաշտոնի թափուր տեղի հավակնորդի հայտն ընդունի մրցույթ հայտարարած հաստատությունում խորհրդի որոշմամբ լիազորված խորհրդի անդամների կողմից:
6. Հավակնորդների փաստաթղթերի ընդունման պատասխանատվությունը դնել խորհրդի նախագահ Կ.Դավթյանի և քարտուղար Կ. Կարապետյանի վրա:
7. Մրցույթին մասնակցելու մասին հայտերն ընդունվում են [www.azdarar.am](http://www.azdarar.am) կայքում հայտարարության հրապարակման օրվանից սկսած՝ 15 աշխատանքային օրվա ընթացքում:

8. Հանձնարարել տնօրենին առավելագույնը 3 աշխատանքային օրվա ընթացքում՝

- 1) ապահովել հավակնորդի հանդիպումը տվյալ հաստատության աշակերտական խորհրդի հետ՝ հաստատության զարգացման ծրագիր կազմելու համար՝ այդ մասին դիմելուց հետո
- 2) 2) տրամադրել գրավոր տեղեկատվություն՝ հաստատության գործունեության վերաբերյալ՝ տվյալներ մանկավարժական, աշակերտական համակազմի, ուսումնադաստիարակչական, արտադպրոցական գործունեության, կառավարման և խորհրդակցական մարմինների մասին, ինչպես նաև հավակնորդի կողմից ներկայացված գրավոր դիմումի հիման վրա հաստատության գործունեության վերաբերյալ անհրաժեշտ այլ տեղեկատվություն:

Խորհրդի նախագահ  
Քարտուղար՝



Կ. Դավթյան

Կ. Կարապետյան